

太上洞淵神呪經卷之八

始八

太上洞淵神呪經卷之八

始八

召鬼品

道言三界之中有信經之者稀耳是以不生  
賢人多有惡人聚生耳時有信法奉經者天  
上來也甲申之災天上來迎道士也不迎罪

始八

人罪人不信法故不迎之壬午庚辰年有疫  
鬼刀兵殺人天下活者稀耳疾病之時得三  
洞法師爲轉經行道之處天尊召十方大神  
令病得瘥官事自了若不從命鬼王先生矣  
道言辛巳年有都盧那鬼身長三丈目縱口

橫耳長六寸手提鐵杖專行人間打殺惡人  
疫癘官事仍有六萬九千鬼或爲大鳥鳥行  
之處令人悉病便至死不可治之到壬辰年  
人民大困甲申死盡若國法師得治之爲其  
轉經行道者三天大兵悉來保護不使遭毒  
也道士化人令受三洞經矣

道言甲申垂至鬼兵殺人令天下力士烏玄  
四十九萬人遊行國界若有三洞法師轉經  
之處行三五之法一一護之不令有惡鬼惡  
鬼遠走助其道士宣化愚人若國王帝主方



伯二千石令長貴人貧賤兆庶有奉三洞之  
者後獲大福福延子孫世世不絕生天人中  
常值聖人不作貧人帝主不棄常佐人主  
道言世間惡處善人不生矣若今有貴人善  
人天上來耳何以故惡人不信大法不解經

文雖得爲人先身有小福今爲貴人得有錢  
財然而不識法典與法無緣此罪人耳吾亦  
知之世俗官榮譬之朝露日出則乾榮華不  
久須臾則死不如學仙萬劫不傾

道言道士化人令奉三洞飛騰不久若有疾

病官事轉經大吉則所行之處疫鬼自死勉力相勸之乎

道言自戊寅年有赤鼻大鬼鬼名附子身長九尺三面一目復有一鬼兩頭一身身長三尺各各赤目復有一鬼鬼名大野三頭一身

始八

二

身長七尺萬萬為羣手提白刃專行天下取人小兒遊行雲中臃腫赤炁令人寒熱吐血心脹鬪炁憎協當爾之時得三洞之師來轉經者病人則瘥官事自了若不瘥者鬼王先坐矣



道言自今以去至庚辰之歲有三萬六千惡  
鬼鬼名天池從者三萬常行世間枉殺良善  
至壬午年復有三千九百赤頭鬼鬼名大頭  
來下殺人刀兵交興世間云云不可久處四  
方災逆六夷死盡道法興盛俗門衰微甲申  
之年人民死盡欲知度災唯有道士奉三洞  
尊師敬經天神來護故得生天天人迎之耳  
道言至壬午年天下悠悠百姓苦惱六夷交  
侵人民不安士女奔波蜀漢浩浩人民頓死  
道士入山修習三洞得見真君真君不遠壬

辰之間也自今以去天殺愚人道士救之其  
命乃全矣

道言壬午年有八萬甲身鬼鬼名大旦身長  
三尺六寸三萬九億為侶手提赤棒專行人  
中殺其惡人復有白鳥鳥如車輪千萬飛來  
入人家中殺人兒女人或見之或有大魚死  
於水中人取食之者便至死矣復有鹿死於  
山野人取食之皆致死矣道士奉此經教化  
天人勿犯此也

道言天下運盡水來不久男女之人無不死



矣唯有奉三洞之人乃得全耳自今以去若  
有道士救之官事疾病之處天人玉女四十  
萬人來下助之不令有厄道士勤化人焉  
道言大劫欲至人民多愚不知災來道士先  
見此文急為化民令入三洞三洞之人天人  
迎之聖不虛言也

道言大劫將至人民更易天地造立道士化  
人人不信者亦如六畜何異太上念汝為其  
慈憫奈何奈何衆生染着愚迷不自求出守  
迷至死其奈何乎急召十方大神三洞道士



往化愚人令知經法其福無量道士入山自  
靜其志不得化人此為無福矣

道言道士欲自度世當入名山欲度一切人  
者當在人中愚人令得度脫道士入山山途  
玄隔世人不見無處歸依雖有本心無處相  
度是以智人道士不必山中矣

道言自非是三洞法師不得妄讀此經何以  
故神呪殺鬼治民一切大魔王名字在此經  
中受此經法自受度之各自一箱威之及八  
有官事刑獄重病久困不瘥為作齋一日一

夜者吾當為汝等召百鬼考問之令其病人  
瘥乃放之耳汝等道士勤化萬民受經道士  
治病之處大魔王小鬼王等助此道士治病  
治病瘥者令汝等上遷終不負口自今以去  
與汝大魔王等分契誓矣

始八

四

道言自今甲辰之年有三十六萬黑鬼行下  
痢赤病鬼子夜來殺人六夷之鬼萬萬為群  
多有化為女子老人入人宅中取人小口六  
畜暴死國不恤人人民流離大臣小吏枉人  
年命當爾之時鬼兵亂病汝等道士但與行



道轉經一日一夜吾當遣三天大兵三十六  
萬人為生人召十方鬼等問之為復何鬼病  
人各自揀擇令善惡分別大兵斬之誅其黨  
類悉斷其種終不怒之矣急急如太上口勅  
律令

道言山林之鬼名玄子都領二千九十萬鬼  
常行卒死病殺人小口老人入人宅中驚人  
雞犬小兒復有赤憤鬼三萬九千人仍入人  
宅中取人六畜復有八十萬青蟲鬼鬼長三  
尺六寸常持天火燒人宅舍令人遭官事口

舌復有大運青鬼長三丈四十九萬人手  
持赤棒殺萬民有善人信法者不敢近之  
惡人無義殺生逆道不存父母誑說道士罵  
辱師徒者斬之不恕死付地獄或令身病不  
瘥萬殃併集苦痛難言道士不救救之無益  
也

七八

五

道言此惡人不敬師父不遵道法阿拉道士  
僻處罵師稱其名諱此人罪重牽落赤沙地  
獄獄中萬劫不出出為護田鳥常在水中央  
人萬頃田或未死之時疾病困苦痛不去身



田蠶不果所爲不允人所笑之此人悉心先世  
之時罵辱師徒罪來對之目自今以去若有  
如此之人大魔王亦疾之若有不敬師徒不  
承三洞者大魔王小鬼王等遶縛斬之不恕  
矣

道言汝等道士奉師當一心矣心常不改自  
作苦本輕師罵辱五逆不孝阿枉百姓強取  
人財教人作惡言訟殺人如此輩等二洞經  
出大魔王小鬼王等悉共收之繫著一天獄  
中考其三魂七魄女子十四魄今萬口俱受

求死不得汝等道士男女深自慎之

道言甲寅旬之年有三萬九千人大驅殺之  
坐不敬師父枉濫人命談說道士指師名姓  
如此之人落大驅除刀兵水火之中汝等道  
士及世間之人當一心供養師徒受經三洞

化行一切救療厄人有病之家轉經治之吾  
當為汝等召十方大鬼一切諸神問之若不  
伏故令生人之家病死不瘥官事不了者大  
魔王及小鬼王斬汝等之身萬段不恕之一  
一如太上口勅律令



道言道士奉師當敬之如天四時八節即來往  
問訊安否世人受事之時一一如法自爾不  
復導師師復不徃神不附人夫為人師人中  
最大師之為上當奉之如父母不可輕慢輕  
慢者天人誅汝魔王不救汝等罪人一一如

卷八

六

太上口勅律令

道言道士不遵師父天兵來考考及子孫亦  
入俗鬼輩中庚申壬午之年有道士輕師者  
鬼兵三十六萬人一時誅治死矣復有四十  
九萬赤鼻之鬼乙巳之年殺天下惡人三十

九萬人至癸巳之年壬辰之歲世人不信道  
法不受經者入十八驅除之中枉死者日有  
三萬九千人太上亦自分別之耳若此年天  
下有疫病道士救病之者即瘥若不瘥者魔  
王那律等身作萬段不恕之矣

道言男女道士自今以去勤化天下愚心人令  
受三洞大經人人共受符籙身佩名契八貫籍  
玉曆師徒相承不得輕慢若有違盟天兵誅  
汝滅門身死謫居疫癘悔亦無及也吾今遣  
三萬六千赤騎手提鐵杖遊行天下取無義



五逆之人若有病人令道士治者悉令鬼王  
赦之若復不赦此等鬼王悉皆貶責更無容  
恕矣

道言壬戌癸亥之年有八千考鬼殺人坐不  
供大道至癸未甲辰之年有十二萬赤鬼殺

始八

七

人刀兵亦半坐笑人受道壞亂人心打罵道  
士言道無神口是心非誣勾師徒如此之罪  
人令悉入沸灰地獄刀山劍樹無有出期矣  
道言己卯丙寅丁亥之年有八千人橫死坐  
不遵道法天祖不輸跪願不還許而不與妄

向鬼神取人財物不作功德不經齋戒雖爲  
道士不行香火不赴人急貪作不往令人怨  
道與師作食食不精潔或有而不出出而不  
好如此之人當入大驅除水獄之中萬劫不  
出縱得還生六情不具人見不喜六畜之例  
大驅除斬殺之魔王等不救之矣

道言大宗法師遊行天下見世人多愚故說  
三昧大經經凡有二十卷此太上流傳若受  
之者面見太上不受神呪不可入山不名真  
道士矣不得治病自今法師先受此經此經



乃伏一切大魔王小鬼王及夫人千子萬孫  
悉助道士化人治病耳何以故一切魔王亦  
與太上併治化萬姓故善人智士一一思吾  
言矣

道言汝等後世之人不奉大道況世俗俗師

打鼓祀神殺猪犬雞豚三牲草水之上召喚  
百鬼祠祀野神此為亂邪神不祐人家親被  
繫謫及三官考掠萬毒死人不逮來取生人  
大小死亡後致滅門勿復怨道也

道言奉道之家一心專謹凡欲所為當一心

歸向行道香火萬品由師齋醮解了不得外  
引俗師邪祀之家來至交亂家神不安坐考  
生人其主人轉惡家破滅門此亦道士化之  
令人悟矣

道言世人多愚不見善不識法為此多死自

始八

今以去有人受道世人急病迎此法師一切  
道士作齋行壇布施救療病人若有刑獄天  
遣力士三天玉女十方大神仙人來助道士  
令此病人速得治瘥官事解了令主人萬願  
從心若爾者上遷汝等萬等千等不負金口



若復不瘥徒勞道士主人致災禍殃集者大  
魔王夫人及子孫主人病不瘥者一切鬼王  
悉斬不恕矣

道言一切魔王及今世人有病之者道士救  
治之處汝等悉回化其主人家親太祖父母

三十六世以來悉為救之令主人病瘥官事  
釋散萬願從心吾當召百鬼考問病人之鬼  
何鬼也一一告下三官問之得便和喻令瘥  
若不瘥者一一收斬之不恕告下急急如大

上口勅律令

道言自今以去有疾病者遣大戟將軍領赤  
騎兵三十九億萬人手持赤棒專行人間伺  
取行病小鬼自稱三公五帝之神得便斬之  
若有小鬼不去者三天魔王魔王子孫悉斬  
之始八不怨汝等自今以去若不信吾呪者汝頭

九

破作七分矣

道言自今以去國中有一人病者悉是小鬼  
小邪所為之汝等急攝汝下兵悉令消散使  
生人無他汝魔王令千等萬等若復不瘥令  
生人死者一切内外大鬼悉被斬不怨也咏



頭大魔王烏延大王長鼻大王中祥大王小  
眼大王白面大王赤面大王等四十九萬人  
各各被考考及子孫急勅小鬼令生人病瘥  
者吾當令汝等上遷若不瘥者斬汝小鬼不  
恕矣

道言自今以去國中有人病者及官事口舌  
刑徒厄在三官不得自在者悉是汝等大魔  
王不加用意自今以後告下小鬼勿犯吾民  
急勅汝下兵速放文牒令病者自瘥官事消  
散口舌不起急急如太上口勅律令

道言世間有六十九種病大鬼長須少功哀  
圖慕川慕川有惡鬼國人疾病死亡今來作  
耗亂世間令人疾病興一切瘟氣黃奴七子  
合來殺人已識汝等小鬼名字自今以去斤  
去千里急急如律令

道言自今以去三天之上三十六天魔王悉  
來下叩頭七十下求攝下鬼一切小鬼自從  
太上勅下以來不敢復來世間取百姓也若  
復有疾病者魔王等受萬斬矣

道言吾良民悠悠處在國中或有不信道法



今一人受道佩三洞者有人疾病法師爲其  
疾病者汝等魔王助道士令瘥矣汝等上遷  
若不瘥者斬汝等小鬼不恕矣

太上說此功之時一切大魔王等各各來下  
稽首曰自今以去誓死不敢縱小鬼若世間

始八

十

故有一人病困者我等頭破作四十九分矣

太上洞淵神呪經卷之八

共



